

## Sarkina Bt Mat Saad @ Shaari

**From:** UUM CORPORATE COMM.  
**Sent:** Thursday, May 23, 2019 12:20 PM  
**To:** UUM - All Staff; UUM - All Students  
**Subject:** UUM Taja Biasiswa RM128,000 Kepada Pelajar Palestin Di Malaysia



UUM Corporate Comm.  
Universiti Utara Malaysia

23 MEI 2019 / 18 RAMADAN 1440H

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Seksyen Media  
Gambar oleh: Shamsaimi Ezil

### UUM TAJA BIASISWA RM128,000 KEPADA PELAJAR PALESTIN DI MALAYSIA



**UUM ONLINE:** Putrajaya - Prihatin dengan nasib pelajar Palestin yang ingin melanjutkan pengajian di Malaysia, Universiti Utara Malaysia (UUM) telah menawarkan biasiswa berjumlah RM128,000 kepada dua pelajar Palestin bagi mengikuti program pengajian peringkat Doktor Falsafah (PhD) dan Sarjana Muda.

Penyerahan tajaan biasiswa itu telah disampaikan Naib Canselor, Prof. Dr. Ahmad Bashawir Abdul Ghani dengan disaksikan Perdana Menteri, Tun Dr. Mahathir Mohamad pada Majlis Berbuka Puasa Bersama Komuniti Palestin anjuran Pertubuhan Kebudayaan Palestin Malaysia (PCOM), semalam.

Selain UUM, tajaan biasiswa bernilai RM11.4 juta itu turut melibatkan AlBukhary International University, Management and Science University (MSU), Universiti MAHSA, Kolej Universiti Islam Perlis (KUIP), City University, Multimedia University (MMU), UCSI, Universiti Teknologi Petronas, Universiti Tenaga Nasional (UNITEN), Universiti Sunway dan Universiti Kuala Lumpur.

Tun Dr. Mahathir berkata, biasiswa tersebut ditawarkan kepada pelajar terpilih melalui PCOM bagi membolehkan mereka melanjutkan pengajian di peringkat ijazah Sarjana Muda, Sarjana dan PhD di 12 universiti di Malaysia.

"Saya gembira dengan peranan yang dimainkan PCOM yang komited dalam menyokong pembebasan Palestin termasuk membina persefahaman budaya antara Malaysia dan Palestin.

"Kepada pelajar Palestin yang terpilih, saya ucapkan tahniah dan selamat maju jaya," katanya.

Hadir sama, isteri Perdana Menteri, Tun Dr. Siti Hasmah Mohamad Ali; Menteri Perdagangan Dalam Negeri dan Hal Ehwal Pengguna, Dato' Seri Saifuddin Nasution Ismail; bekas Pengerusi Hamas, Khalid Mashal dan Pengerusi PCOM, Muslim Imran.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.